

Nefndasvið Alþingis  
Austurstræti 8-10  
150 Reykjavík

Akureyri, 27. október 2019  
1910016 JFK

**Efni:** Umsögn Jafnréttisstofu vegna tillögu til þingsályktunar um framkvæmdaáætlun í jafnréttismálum fyrir árin 2020-2023, þskj. 102 -102. mál

Jafnréttisstofa þakkar fyrir tækifærið til að koma umsögn sinni að vegna ofangreindsmáls. Ljóst er að um viðamikið verkefni er að ræða en umsögn þessi mun aðeins taka mið af þeim verkefnum sem að snúa að Jafnréttisstofu.

### 3. Jafnréttisfulltrúar ráðuneyta

Hér er tekið fram í a-lið að jafnréttisfulltrúar eigi að fylgja eftir framkvæmdaáætlun ríkisstjórnarinnar í jafnréttismálum og skila framvinduskýrslum til Jafnréttisstofu. Jafnréttisstofa bendir á að hlutverk hennar samkvæmt þessu er ekki skilgreint nánar, þ.e. hvort að um sé að ræða einhvers konar eftirlit Jafnréttisstofu eða endurskoðun af hálfu stofunnar. Hér mætti vera skýrar hvaða hlutverki Jafnréttisstofa á að gegna, þ.e. hver tilgangurinn með skilum framvinduskýrslum til Jafnréttisstofu sé.

B. Vinnumarkaður -Launajafnrétti kynja

### 8. Jafnlaunavottun og jafnlaunastaðall

Í a-lið er rætt um að unnið verði að fræðslu- og kynningarstarfi á faggildri vottun jafnlaunakerfa á grundvelli staðalsins ÍST 85:2012 og laga um jafnlaunavottun og að regluverk jafnlaunavottunar verði þróað áfram á vettvangi stýrihóps Stjórnarráðsins um vottunar- og faggildingarmál. Þessi vinna er þegar hafin.

Í b-lið þessa markmiðs kemur fram að *Jafnréttisstofa safni og birti upplýsingar um vottun jafnlaunakerfa fyrirtækja og stofnana á vefsíðu stofnunarinnar og í skýrslu ráðherra um stöðu og þróun jafnréttismála*. Jafnréttisstofa bendir á að þetta er lögbundið hlutverk Jafnréttisstofu skv. 7. mgr. 19. gr.

### 9. Jafnrétti á vinnumarkaði

Í c-lið kemur fram að *Jafnréttisstofa fylgir eftir, í samstarfi við samtök aðila vinnumarkaðarins, tillögum aðgerðarhóps um launajafnrétti um aðgerðir til að draga úr kynskiptu náms- og starfsvali*.




## Jafnréttisstofa

Þá kemur fram að samkvæmt kostnaðaráætlun sé þetta fjármagnað. Stofan hefur ekki upplýsingar um hvort að aukið fjármagn muni fylgja þessu verkefni til Jafnréttisstofu.

### 19. Karlar og #églika (#metoo)

Jafnréttisstofa ber ábyrgð á þessu verkefni og framkvæmd þess líkt og fram kemur í tillögunni. Jafnréttisstofa bendir á að fram kemur í greinargerð með þingsályktuninni að „viðfangsefnið karlar og jafnrétti spannar flest svið jafnréttismála“. Þá er gerð tillaga að vitundarvakningu sem snýr að áhrifum karlmennskuhugmynda á kynbundna og kynferðislega áreitni – og ofbeldishegðun, persónuleg mörk og samþykki. Ljóst er að svona vitundarvakning felur í sér töluverðan kostnað og því nauðsynlegt að fjármagn til þess sé tryggt. Í ályktuninni er tekið fram að verkefnið hefjist árið 2020 og standi til ársins 2023 og sé fjármagnað. Stofan hefur ekki upplýsingar um hvort gert sé ráð fyrir auknu fjármagni vegna verkefnisins en telur það þó vera forsendu fyrir því að Jafnréttisstofa geti tekið það að sér og borið ábyrgð á.



Jón Fannar Kolbeinsson  
lögfræðingur